

四庫全書

集部

欽定四庫全書

集部  
懷呈堂集  
目錄  
卷一

詳校官監察御史臣曹坦

中書臣劉源溥覆勘

總校官庶吉士臣何思鈞

校對官中書臣葉蘭

謄錄監生臣鄧培善

欽定四庫全書

集部六

懷星堂集目錄

別集類五  
明

卷一

騷賦

卷二

騷賦

卷三

樂府

古調

卷四

古調

卷五

歌行

卷六

近體

卷七

近體

卷八

近體

卷九

古體

箴銘

卷十

論議

卷十一

論議

卷十二

書牘

卷十三

書牘

卷十四

碑版

卷十五

傳志

卷十六

傳志

卷十七

傳志

卷十八

傳志

卷十九

傳志

卷二十

傳志

卷二十一

紀敘

卷二十二

紀敘



卷二十三

紀敘

卷二十四

紀敘

卷二十五

紀敘

卷二十六

紀敘

卷二十七

紀敘

卷二十八

紀敘

卷二十九

紀敘

卷三十

外教

臣等謹案懷星堂集三十卷明祝允明撰允明字希哲長洲人弘治壬午舉人除興寧知縣遷應天府通判謝病歸事跡具明史文苑傳允明生而枝指故自號枝山又號枝指生博覽羣籍尤工書法名動海內與蘇州唐寅輩以放誕不羈為世所指目然其令興寧時捕戮盜魁三十餘人邑以無警則非專以文材自放者明史藝文志載祝氏集略三十卷

懷星堂集三十卷小集七卷本傳稱其詩文集六十卷他禱著百餘卷朱彝尊靜志居詩話載祝氏集略外又有金縷醉紅窺簾暢哉擲果拂絃玉期等集今皆未見獨此集尚存凡詩八卷禱文二十二卷所作骨力稍弱雖未能深入堂奧而風神清雋含茹六朝亦殊為超然拔俗也乾隆四十三年三月恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

懷星堂集卷一

明 祝允明 撰

騷賦

大游賦

允明以宇宙之道於我而止矣渾鴻包之萬象條之三  
五肇構於其先宣尼總齊於其後君建為極臣成為業  
士治為學民遵為世隨其時也易曰拘係之乃從維之  
玉用亨於西山允明時不自立身名隨人拘維將老而

神明中亮問學外廣有無之際三五宣尼之所營蓋嘗  
冥訪其間焉斯用亨之利也暇日叙之為大游賦可以  
垂語千載焉爾

夫何恢慮之大人兮羌縱觀於域中柯柘櫂以為車兮  
畢妙制於輪工建六等以道遠兮職三材以行空既軒  
之以華轡兮又積中以堅軀招鈴且使附輿兮瓮鹿鞭  
而右從而九圍而窮轅兮弢章亥之有終跨四渤以脩  
征兮隄華封以臨戎左賓暘於二桑兮右嚮晦於三春



前炎洲以玩鳥兮朔幽絃之夢夢耳鞞象其支朱兮胡  
旅瑣於蟲封悵皇盤之下繼兮中六圍而作宮命旋轅  
而內歸兮攬覆載之所有歲蕭稂之被壤兮慈芳蘭之  
不茂喬隰榛與山樗兮斤文梓令速朽獷貙豹之犇犇  
兮藐麟虞之在囿曰鶴鵬之啾啾兮梧不集其鳳鳥夷  
高岸為深谷兮堀堞礫以為阜翦珞礫以圍椁兮童丘  
隅俾不菲睨洪河之橫怒兮恒襄陵而汨宇泓漫漶以  
突徙兮數失色而病漕懷神功之難續兮惋夏蹟之非

舊帶衡江而脩截兮判二戒於左右  
聯南濱之百巒兮蜚千泉而下湊  
亡晝夜而建瓴兮澧交注於揚  
藪潏潏兮行於三江兮赴伯若而為  
湫澹始涖而繼湮兮潰汜溢以妄走  
蹇重咽之中捷兮焉執咎於授受  
旣膏災之歲成兮禪殫虐於吳畝  
驟沮洳而莫遣兮耘十千之維耦  
驅玄黃以高駮兮循中原之舊服  
畫州邑以星隲兮敞曠土之沃沃  
邈山川之遐隔兮空千里於一矚  
憶先王之位天兮經九井以為國  
掌地政於司馬兮詳同成而

澮洫樹萬里之基楨兮厚丞人之安宅固君民之比輔  
兮食無為之帝力厯諸聖之造述兮與世期而亡數何  
秦孝之顛暴兮益衛鞅之薄刻始必墜以阡陌兮繼稅  
人而蕩滂垓坤元之綱紀兮勢一剝而弗復艾因時以  
苟為兮僂彌古而偕極題蒼黎之增增兮操千百其品  
倫伊四業以各守兮剝百役以駿奔恫窮筮之顛隕兮  
憎惰游之猥噐絳戕之以完賊兮樓豺贖而食人痛九  
夫以征穀兮餉凶餘俾悍淫捐田事而不男兮競逐末

於錢刀隼千姦以為利兮網無卹於戚曹擡泉布而操  
壅兮靳濟物於一毛鄙遂縮於狡窟兮首驕戾於王侯  
工不度而作淫兮聊須庸於斤陶皇天生此元元兮惠  
司牧以大君建萬邦以諸侯兮賦官士而臣鄰寧一夫  
以非農兮而戴履於乾坤怵茲辰其何時兮農八一而  
僅存八民一農殮饑篋罔稽田兮畷曾弗得以食新鈞含氣  
於化育兮哀細人之特勤予既未穀於道邦兮吁釋錢  
罇而被此鞞紳氣紆蔚而不解兮意周章以交馳違巖

野而即市兮求化理於官司闕訟堂之佻佻兮匄萬子  
而榜笞大夫擊騁而蕉萃兮不得知其所為輿胥五百  
柙干獠兮引羔豚而飮之檄毘磔而撻運兮格辰道而  
申齊士呻痺於饑輓兮伍病空於俾垂帽四方以晷磬  
兮甫焉得而驩熙操觚舡之蒙衝兮晨橫江而西游扣  
曾城之九重兮闕皋應而疊五印天京之鼎立兮頤絳  
闕以崇鶩欽萬域之攸則兮拱北樞之星附鬻三殿以  
中嚴兮

奉天華蓋謹身

直甬雙樓之夾輔

文樓武樓

閔椒闈之沈肅兮

峻丹雘之複護列八屯以周廬兮離千曹而張署啟巖  
閣以弘文兮宅大訓而稽古坐耆成以寅亮兮諧密勿  
以釐務歲法筵以尊師兮訪道揆於墳素倣明堂之法  
象兮裁靡代之踰矩近堯階之三尺兮削漢宇之萬戶  
廟四親以致享兮宮崢嶸於左祖右駢祠維太社兮同  
先稷而為伍毓儲聖於青禁兮昭英華於文武  
文華武  
英二翼  
殿  
觀靡究於中祕兮規載考於庶府張五督以詰兵兮  
昉六官而開部廣通政而給諫兮謹臺察與大理太常

典厥禋祔兮宗人掌其圖譜謚翰苑之閑清兮都成均  
之綽廡守信玉於符臺兮顓筆削於史注欽天審其歷  
象兮大鴻傳其臚句光祿精夫玉食兮僕馬備其徒御  
條萬幾以緄襄兮錯羣工而牙布沛周詳以章徹兮互  
責稽而隸備奕神祖之開業兮濯神宗而善遷為王賓  
以觀光兮遵大路而北轅歷揚徐而齊魯兮趨豐鎬於  
幽燕瞻帝居之際天兮服王心之所甄葵啟承之有道  
兮蓋同經而異權屹高皇之奠鼎兮介哉格乎淵算承

乾休之凝注兮懽坤輿之饒贍執天德以守國兮豈徒  
防於天塹來百蠻之賓王兮會諸侯之覲獻岷文宗而  
上徙兮扼荒域之突踐居高屋以尊臨兮繞衆星而北  
面提四外於有截兮晷奉時之英見亶鴻仁之積洽兮  
熠光重而絳宣鱗百揆以具張兮轂皇極之中懸職工  
僚其偁偁兮稟成憲而周旋惟弛張之殊科兮深忤惑  
而眩悞殆愚固之莫僚兮緜有幾於攸先山臣銓草樹  
而牧麋鷁兮焉能覘其韋弦匪余位之所謀兮嘖奚煩



於莛言思沈潛而內求兮  
愴將歸乎故苑繫佚足於管  
限兮擗鴻芬於枯簡眎萬夫之  
交鳴兮佩六編之神典  
探經邦之遠猶兮察庶務之  
竒變逮長古而周歷兮該  
千岐而綜練勵勵跡於滔天兮  
抽幽緒於獨繭殫精誠  
於至思兮肩无象而諧券情  
窅窅以倏恍兮志強毅而  
逾鍊邁上升於至陽兮  
矚皇人之垂見發祕鑰以授余  
兮發爻筮之玄篆吟微辭以啓  
悱兮歎樞栝之精雋忽  
不悟其所如兮肩僵徊而  
俟旦宓閉闕而函光兮幸韜

聞而滅見散神明於空靈兮泳皇冲而教行兼萬化於  
芒機兮統三極於一貫識天人之燮成兮假幽明之互  
贊寤道器之相咸兮歸有亡於亡辯漸歷聖之繼天兮  
討千文而同鍵杲曜靈於永宵兮齊受法於皇旻承皇  
命者犧兮始拜受此玄文九穹無言不愛道兮勅地寶  
以龍呈括五十而有五兮峙大道之靈根五相得而有  
合兮成變化以行鬼神觀穹文而祇理兮載取物與諸  
身爰立卦以生爻兮用四尚而成萬營居觀玩以既得

兮動假筮以質成橐萬化以鼓舞兮漱千妙之幽源崇  
守位以財成兮織出入之紘員洞生死於原返兮了情  
狀於游蒐冒承燾以彌綸兮貫異同於千門逮農軒而  
顯譽兮迭奉帝而詔人因龍鳥與草木兮依水火而風  
雲備物象以周世兮拊養本於生民代泰穹之何言兮  
倬神心於三墳司重黎於二正兮構貞歷之四分唐欽  
昊以授時兮宗歷象而三辰虞絜齊彼七政兮在璿璣  
而玉衡原欽明而被格兮址時雍於睦親絜重華之協

帝兮終命位於升聞恭垂裳以無為兮魏成功而莫名  
扈文命之神靈兮默取道於清玄奠山河而再造兮相  
天地於成平帝重錫用玄範兮誥寵龜而眎敷舒九章  
以列對兮妣乃第之以類成遘殷周而密畀兮令箕武  
以載申揭建極之元則兮握天人之關鉗援神契以設  
教兮假泰卜於歸連眷岐豐以下鳳兮勅尼泗而來麟  
三聖演翼夫犧畫兮文王周旦疏官而盡君周亶羣經  
之自聖兮以時差而錯出孔完天以總聖兮萃整齊而

立極道有本末而著微兮本微既其在易張末著以長  
世兮諗禮樂之為急誠脩身以御家兮弘治平於邦國  
作人備乎儀文兮宣和興於樂律稽疇典而作渠兮耿  
二史之布策兮右左放墳丘之眇綿兮綜唐文而姬歷晒嘉  
謨與大猷兮心偕事而錄實闕刪述以詔來兮立型模  
為永式體二篇以樹本兮用四典以示則二篇者易四  
典禮樂詩書  
張人綱以持世兮參成位而撰畢世惟遵而勿渝兮酬  
天心與聖職冥弗由以顛躋兮教乃廢而代汨聖何道

而援若兮憊不位以敷德掇侯史以衛經兮勅予奪而  
作格尹天明與王憲兮準賞刑於霜筆三代絕而世變  
究兮六冊具乃聖功訖理與事而偕著兮勸交懲焉縣  
植以為治以位天地兮違斯亂而乾坤熄孔既翦齊乎  
千牘兮學綱要而綴集愼漢武之中興兮業躅孔而均  
績蒐獲僅於百篇兮訓終代而已給云理道其亡垠兮  
亦庸傷於多逸書枿缺落於完籍兮咨三簡之不沒儀  
小戴何長息於逝者兮摩存緒而弗繹抒人情以合化  
三禮

兮亮聲詩之為特悲忽亡以永昧兮聃天聰於瑱塞販

律天而襲地兮晬憲章而祖述

此下還謂今五經

維天地之為

大兮代天言而不息蒙遑克以辭贊兮伏莽走而靡斃  
迄作息而顯微兮咸由戶而出入考羣聖之攸作兮罔

非天而自騰縑顯微之攸庸兮覆相質而弗忒普含生  
於兩間兮誰違天而已立感微賦之有聞兮思白焚其  
髦習拊脩辰而暫寄兮矢乾乾以永訖泉千氏之攢叢  
兮助馳蹠而翔翼覽諸師之襲述兮披衆聖之膺臆苞

鴻纖以條疏兮弗衷表而協一適滄漢以游唐兮惠界  
受以綿密考靈無示乎度躔兮眇焉察夫天日被賢恩  
如命面兮等父仁而焉域咻後者之剽贅以沿茲兮吾  
將暴諸同心而未覲彼固自為至一兮謂精義之我集  
泯前脩之夏業兮迹深扃而固匿何斯今之膚獵兮愁  
捐甲而逐乙頰高皇之垂誥兮酌交從而無僻詔士治  
經用古

注疏與某  
傳說云云

羣生曷靡靡乎顛視以奔時兮敢背祖而妄

執寘聖謨賢教於公擯兮趨胡悍而胡逆疇鳴閣以一



匡兮擗千載之流溺歲悠悠以隕項兮洪章殆終乎罄  
滅聖乘時以施化兮賢隨時而成謀謔憂樂以行違兮  
肆有用而亡求賤將五十未服政兮懣往日之藏修辰  
其息而亡悶兮警將放乎大游擁良謨以匱韞兮弁消  
搖以夷由擘千業於一函兮諒奚之而不優出衡宇而  
遵塗兮邁九躔以環流駿一日以千里兮快崇朝而九  
縣指河冀之上領兮應嵩洛之中壑紆三五之更都兮  
應玄樞而流建則乾元之用九兮敷海寓之疆甸大畫

圻於方州兮細規土於井田烝哉先王之宅中兮憲井  
牧之攸便悼荒泯於周槩兮流一瀆而亡返沈余慮以  
構術兮撫餘規於漢彥籍民品以有定兮括肥壤而制  
限定永業於口授兮分授新以購羨縣百級以酌授兮  
人無食而不佃

井田不可復請為均田盡地平賦三道  
立田制為三科每科為三限五十等百

級自五十畝至五千畝也凡一民不得過一科先過制  
者籍之禁毋得更市田以其羨為待分平易二法待分  
者分其羨於餘口及通籍凡官民無田及少者酌授之  
而歲收其入之半為價償故主足則已或能頓償者聽  
自籍民品以至  
此言均田也  
析羸田之南民兮易中原之隙行每縮

析而羨授兮足牛粒與舍廣稽十秋而合貞兮廿有一

而始斷

平易者取其十則易償以中原西北隙土十有五井牛粒虛舍凡二十乃分其口今往鑿歷二

十年而其稅定然後征其十一永不加益自析羸至此言盡地也既均田而盡地兮乃

平賦之有漸都一郡之稅額兮總重輕之原版駕履畝

以周句兮核腴境之實算各斟勻以損益兮為新條而

升殿第融紐以少均兮總無減於舊貫既不縮夫邦計

兮庶重負之微擘自理郡乃通藩兮究海內而普徧明

明后之牧宇兮更審地而制典租必當於壤力兮居中

正而永奠

此言平賦天下賦半東南今賦特蘇郡極重民皆病賦不當田又偏重緣以王制不敢易

請融紐之如一郡之賦四重而六輕并為十分乃數其田腴幾何瘠幾何隨以定賦益之損之以總足於舊制之十則不縮國資而賦無偏重又以是廣於他郡又廣於藩省以通於天下然少平爾不當地之輕重若能請上更隨土以定額始為中正以上三法具見祝子通此所陳乃其粗畧爾 急東南之倚重兮

最水利之難善偉高平之所列兮足紀綱夫羣辯

范公劄

中 滌宣歙之上流兮浴百瀆之聖淵宣三江之故道兮

堅圍埠之防堰瘋白茆之海咽兮趨百川而吞嚙病雄潮之日至今挾塗沙而壅填非時挾而歲剔兮道奚出

而不汙逃民勞而費穰兮後頓興而婁甯顧靳疴以有  
瘳兮而却藥之瞑眩茲譚固諧理叶務兮又焉睹夫物

狀之繁變盤盂之有稱兮道中卑而表淺

謂吳地與江  
平其間田又

有更下於  
外水者

沮洳已膏腴兮欲夷之而且戀

戀猶惜潮淀  
為田者亦利

官民是亦一理  
然猶害多益少

撤梁而斬荻兮揆亦非潦疴之專驗

如撤

長橋刈茭對至欲廢吳江縣恐上流非盡緣此而阻若  
阻此獨病橋上田幾何許耳水既出橋雖少緩茭不全

阻安得  
專尤之

循諸獠以發救兮又豈一端之已辦救術獨統

夫宣防之二歸兮在交施而各殉穰衆瘡以叢軀兮繫

曷弗周詳而異按長河滔滔而東駛兮歛怒嘯而橫濫  
夏跡漠其非故兮洗亦不恆於一薦術固率彼其二歸

兮亦與徙不超乎三撰相時宜以各庸兮厥亦斯其樞

捷瘼征輸與兑漕兮擬重陳而歎倦

征餽雖弊在隨時酌救此不詳既奠

北都此不可易

官斂民以藝賦兮傷哉冗或踰禮

踰禮謂名不正者憾

牛毛於先王兮又安能一切而屏置率土殫供正之願

兮誰將不恭以沽戾憾綿肌之殄瘡兮而剔剗以無已

嗟五材之給世兮出與沒宜相視彼濫耗而潛匱兮顧

不與司存之計

謂不經之費戶部  
不得知之為行止

傷財既莫由斯兮責

求之而獨委

傷財不全繇養兵及  
土木等事必自有在

版十稔而審易兮徭

一霜而均制四法良而情隱兮職競人以舉替業春陵

而秋谷兮能鑄察而銖諦切考心以仁公兮子殆少於

偏蔽悃存用於智數兮神鉤察於聰慧拱默化以望孚

兮蔑茲途之攸貴齊民生生大校兮凡農商之歸二丁

不足準兮田亦多昧

丁或少而雄多  
而弱昧言難的

田家聲而鮮實兮

商態錯於內外

田有瘠肥稅復徧重商多肆華資薄或  
本假貸或閉戶而盈箱或豐貨外行類

惻賦與工之加患兮從或董之王吏征余駕而流觀兮  
覲懷生之遑遑明王厚下安宅兮類四族以為邦舉冠  
領於士儒兮曳尾瓜於末商雖樽樽其異等兮貞萌萌  
之天良譏異世而殊道兮薦多門而分張繁胥徒之蝟  
蒸兮裂兵農而別行悵庸主之失馭兮魚不麗於王網  
球邦本之逾寡兮縱冗雜而日昌閔四窮之無告兮憤  
三游之陸梁棼汨蠹之旭旭兮鼠化虎而羊狼忮乖絕  
於人道兮曾何有於天常余蒿目而傍睨兮孰同淚之



淋浪認同類之乳育兮寄食貨以為生古君王之子民  
兮廓一視而均情制生食與裒散兮揮羣柄而不頃自  
彼君之繆術兮務姑息而倒衡算工車以為利兮崇婦  
臺之懷清商交農而雙厲兮末顛本於不平悲歷國之  
臨財兮每剥下以踰羸賊哉安石之聚歛兮詭市術於  
王經謂周官茂均田以建本兮僥垢源於流澍匹公姬於  
仲鞅兮企仁周於暴嬴侮后民曰均利兮實胥戕以互  
藹歛既無克於迷復兮盍鮮取於無名走中原為治亂

兮信珠玉之不脛持大道以生財兮皓千古之聖程慳  
珉斯之已憾兮日盡氣而涸精弗少拼以叔隸兮任嚙  
苜以無生彼多逐於商末兮咎移之以豢兵或徒食於  
釋老兮武餼資於來庭嗟何有於二教兮肫頑冠與穢  
髡唯玉食而海富兮烏有尚夫並耕鉅創至濫以冥輸  
兮時有在而靡懲所在見後惜疒子之乞人兮彞有政於周  
矜眇窶甲之微限兮如來者之日增壹是蓄之為養兮  
俾溝壑之不盈簡夫夫少強力兮莽闢柝而牽征資官

殮以免乞兮婦給衣以妻軍

取丐不廢者什伍之代挽  
絆卒婦可與人處者補戍

妻以賙貲半治衣  
衾半給之詳子通

洎流享之還積兮勿吝視而它營至

即團以為戶兮給廩飼以為恒移土邑以財輸兮吾特

為之昂鎗

移文流享本賈  
令以財來廩

綏潛運以交拊兮一仁視而

不病苟容者之過繁兮著吾廬為土氓憐洎治而戍天

兮所鉅取惟民螟攘哺嬰之微餐兮饁饗夫之已瞪禽

郊牲之肥腠兮養羣逸之蒼鷹委精純於塗泥兮虹邦

產於一粵沓任任之蝮虺兮吾何舌以指稱

此子通所  
謂洎蠹之

民前言賦財二端  
故及所在即斯耳

皇威無崇而必讐兮震乾剛之旬旬

凜岳壓以霜殺兮烈鈇鉞之馮陵慄神令之赫迅兮驚  
歎電而轟霆薈寇賊而姦宄兮迨汨蠹之伯洵孰承天  
而法祖兮屠羣豕於一鋒眈萑苻之日繁兮欲屏戢之  
焉從聖訓止於不欲兮賢獄市以并容予其懲而猶異  
兮有殊初而同終矜狗鼠之偏餒兮怒獍梟之鞠凶先  
釋苛於歛徭兮遂嚴致於搜窮茲宥過以刑故兮茲刑  
罰之為中坦大沛於潛竊兮劉姦殺之惡雄勿參差乃

絕判兮皎冰凜而曦融省潢池之披猖兮舉兩初以為  
萌懇原情以審勢兮慎蔽法而即戎戢反側於招綏兮  
肩凶渠於大蒙報怙虐以洪威兮與捐苗而芘螽須慎  
察而痛劓兮裨皇穹之仁公古王者之保邦兮作師旅  
於地水茹容民而畜衆兮田偕武而興制垂列國以交  
更兮之秦鞅而大戾后厥時以逾遠兮碎擗裂而為二  
醜頽波以下注兮寧能返乎涓澁謬譚計之諸諸兮僉  
傷養於大費亮先作之叵復兮焚後述以多貳怛熙寧

之保甲兮校拓跋而猶壹微因損益以張規兮亦善謀

之亞誠采材官於漢矩兮擊府兵於唐載韃長源之嘉

尚兮擷雅圭之美議唐宋李韓二公重時募而精教兮乃要切

之至最竊虞夫謫戍之永終兮拳甲令而文致法常陸

於滋久兮即三五而須異異者蠢匹夫之麗辟兮將不

宥於十世遂至無窮豐廩養之長糜兮且望深而感細况懷

土而迫窶兮絲竄迸以川潰遂益之用核追兮煩鈎攝

而部遞紛張官役徒以擾擾兮日馳驅於四海實惟益

薄而損厚兮宜亦矢謨而請裁萬幾數求言以罷行兮  
曾不狂夫之為臯非犯忌而亂成兮謂効忠而襄治既  
未薦乎野謀兮敷公仁而從事軫鄉思而甲蠆兮懲抽  
力而誅賄完家室以固志兮周粟帛以強體時番上以  
休容兮辟賂免之姦怠拔私徭之長痍兮襄侵培之積  
穢故雖小而必刑兮兵無伍而不次挽千漏於逸采兮  
剔百門之宿滯力訓閱於往圖兮帶射蒐於儒吏揆張  
皇之弘要兮知亡踰乎簡帥祖仁義以為質兮厥損之

以勇智律經籍之典訓兮研歷史之成敗厲瞿瞿之廉  
節兮乞矯矯之直氣勤步伐於苗獮兮豈臨機而尋藝  
推請論於司馬兮命畀簡於宸宸論必斷於援賊兮斥  
浮聲與柔蔥耆授鉞而推轂兮勿參之以弟子軍容何  
為徃監廁兮嗟乎李趙之階厲將攜壹而債克兮夫焉  
有於此係覈諏研於績敗兮畛賞罰之昭晰彼屠降與  
殪良兮兼粥級之作偽偽多報級數毅戎昭而不弛兮飛蕭  
斧於誅刈毋徇免於援議兮必姦絕而良勦銷枉毀於



貝錦兮破滔謗於珠玑熊虎毅其六師兮魚鶴輯其七

萃務貌識而音別兮督閑練而衷義凌強足與密代兮

直寄命於童戲

謂臨事慕不精實苟用充數與私倩代行

媮姦宄於中邦兮

衛天險於荒裔林建國而所民兮虔有整於職方藩周

飭於隍陴兮垂堅密於關梁崇函夏以立道兮隋百代

之大防討天王之集統兮越歷古以包囊樊封畷之峻

截兮戒勤遠之否臧頻迴譯於異貢兮只收誠於來王

事見祖訓

冒包羞以餽女兮焉自殘而割疆無歲賂之坐彫

今有互市之交償鑠皇代之神武兮跨振古而無雙擘  
神祖之清漠兮恢王威而四張燠簡任於干城兮專權  
力而鷹揚弗牽肘於彼夫兮譴賤得而姦妨為恤士之  
無實兮猶舖饑而搯吭眵衡瞎以八燭兮迴浩劫而未  
央愨遐萌之繹繹兮附九埏之芒芒徂日用而莫已兮  
串出入以隨陽寔亂衆而治寡兮喑樂短而憂長念虫  
虫之錯產兮不越兹以成邦愴美惡之必兼兮謔獨籍  
乎四良噴兹良之自植兮竦素履以獨守每自彼以戕

陵兮歸帝舜之固有相斯辰之攸賴兮祇俊髦而峻叟

眊既瘳夫不井兮晞三法之或救

三法即均田  
盡地平賦

尚稽實

於征輸兮還微息於頻死恐二子之終夢兮虞和緩之

懷手蔚大氣之紆蟠兮壬胚靈而降秀顯蒼惠錫夫后

王兮君成之乎黌校詳養射於夏殷兮具司徒於周教

帝首出以廣運兮幾新邦之綱要舍賢能而安藉兮投

碩材其安構渡長江以整旅兮倚干戈而詢道築禮賢

以館傑兮聘名哲而探討及鴻圖之懋建兮夙教士以

有造謬辟雍之湯湯兮溥侯類之浩浩範端嚴以恢紘  
兮思周微而懇到曰成賢以為期兮憲羅才而畢考藹  
思皇之濟濟兮聳周楨之廣效其在今之司存兮澌郵  
委而同眇眺儒堂而閔其兮凝沈沈之半沼籍東閣以  
停披兮琴絕絃而歇操填胄省之青衿兮日聚散而三  
造俾庠覺而率由兮亦胡辨於土偶之淫廟獨糜財以  
備聲兮疇部牖之為了漣法意於餼羊兮名將實而柄  
鑿崇術四而尤餘兮僅偏誦其邇小辯曾患乎先藝兮

茲并藝而草草幸王國之克生兮士不乏於覆幬業每  
樹於高遐兮履亦周於末杪纍駉牝而如雲兮夫奚失  
得於樾早嗟嗟吾黨之徒兮要賢聖以為期放四科而  
八行兮舉六藝而百家究學問以思辨兮劬仁行而寬  
居行成物以博濟兮卷善道而遯肥通天地人以稱儒  
兮贊化育於玄微國縣斯以求購兮士執應而登之學  
由循以成士兮教率章以為師時與道有違行兮台詎  
隨以推移咿蝟螻以自細兮胡不輪冶而駟奚初既育

乃后舉兮儻科條於隋唐務拔萃於大公分倍峻立其  
周防索理性於經術兮故全畧於文章方政事之需試  
兮策時宜以多方為程寧弗良盡度兮遂有司而淑涼  
來薄海之彥異兮危尺蠖之莫當予歷觸於禹穴兮胡  
鼓尤於鯨鱮余有貢舉議  
大旨若此迅賢豪之絕羣兮挺堂堂之

贊皇麾時科而弗即兮喻龍媒之越行洵覓駕之不種  
兮聳萬夫之攸望鄙負羞於大人兮空趾壯而心長進  
而後而前卻兮澹胡為乎皇皇囑時髦之升庸分耀勳

華而頡頏，涼霜蹄之超驤。兮，後何有於王良。羅目千以

得一分先民所為感傷

羅以多目故一目得禽今為一目羅則安得士本古語王通亦

之 睿謨固經於神運兮，勿拘梏於尋常。彙小大以兼收

兮，悉明側而明揚。層百材於場師兮，共京構於明堂。掄

稅楔以畢良兮，粹豈獨於柱梁。以周完而大壯兮，膠備

具而豈康。害超等以異懸兮，擢萬羽之孤凰。或科存而

弗舉兮，徒惋遺於衆芳。為國惜才何人斯兮，謨罄畢於

鴛鴦。鱗甲乙於一斑兮，可百年之短長。何斯據以卒躬

兮信輕軒而弛張上既馮以升沉兮下亦自為摧抗坐

弊日以淪胥兮叢倖望而縈妨

望怨也

尋世科之有無兮

與第差之低昂鑒才出之先後兮及卷舒之靜庸孰失

得以饒不足兮孰隆汙之存亡

隆汙謂美劣存亡猶有無也

爾其鋪

觀而平角兮成效不其已彰繚庶位之崇卑兮環中外

而周設尸脩政以立事兮並陳力而就列今視昔以異

宜兮沿與易而殊節祖建典以官士兮掄時宜而章別

多率舊以監成兮掖無期之皇業劼蕪山之止位兮臣



何知而嘖喋想拱職以綢繆兮熙庶績以咸凝唐虞和  
於朝兮賡元首而股肱昔秦人之憍亢兮儕百辟於倌  
倂後秦胥以沿洄兮且肅體而諧情貌隆坐接兮呼莊  
君卿塗黃還命塗勅繳兮席前目征目送崇庠必詞兮揚  
抑告行皇王建設兮簡要以殷殷中謏守官而罔道兮愚  
深昧於茲評王用道以命官兮官將道而為命蒙夫昧  
體而守支兮直置道以徇名逾追勢以滋顛兮佞齷圻  
而拒撐交隅蓋以無通兮不相謀以相能臣殊僚而一

政兮肢連體而析形咸左趾以將東兮引右彖而西脛  
各稱官而罔道兮烏不病殘以殞生宰萃士而一命兮  
粗因科而下上既蒞政以稽績兮復何初以為量年疇  
力於良庸兮才奚由於耆壯木不谷集而郊韡兮材將  
鳴寃於族匠非祖宗之盛心兮躋後時之膠狀假三五  
揀斯方以舉錯兮當亦迷八四之直枉八凱四山何莫峻登  
其異傑兮年序以餞夫尋丈儼筆工以醫傭兮濁銅駟  
而穀養汙王章以蝨緣兮誨邪陵而貞障猥膏紈之流

陰兮偉漢疏之直諒

王吉請除  
任子法

縱故襲之未革兮又何

弗涯於漭沆凡斯亦不局之貴兮非清波之都喪

非盡  
無清

流也聲復侵夫無擇而無止兮益皇涂之決瀆聞方人之

不暇兮識野求之無讓將循位以求理兮匪稱人為標

榜槩焉名襲而任別兮姑試徵二三之改尚公孤寵貴

以年登兮未或倚其燮亮

用為九卿  
資深之寵

寄鎔甄於中相兮

獨調衆而拯病天曹天下之才庾兮無暇遺而倖調懸

鴻鑑以八照兮能簿號之故妄基邦本難固而易蹙兮

盱司徒之斯仗黨耗國之職思兮拱三緘而不創創非  
瞬矐於竭澤兮哀株守以循罔祖議禮以作制兮網維  
誕其貞廣豈科條之無俟兮虛百年而亡訪俾哉今之  
為政兮執邦刑以不爽惜死法不死情兮殲十九之國  
命抗儒抑法誰為異家兮腐生迷而弗講豈三尺難求  
於六籍兮對刻木而倘怳世生才以為士兮才弼辟以  
親民顯利用以成務兮幽履道以媿身靜庸兼維天之  
命兮士也允三才之珍偏有才而善用兮聊銷慚於宦

塵守罷駕或不肖兮世何懼而尊親彼斗筭仕以為已

兮用以學而為人

已富寵人求知

民何杖以為長兮后何藉而

為臣噫余固艱夫欲議以畢偁兮亦訕此不尊而弗諒  
急心亨而道塞兮且綿綿而斯往庖人不越乎尊俎兮  
陶師握其范模作者熱其亡為兮藏山澤而為癯余懷  
靡得於斯兮求茲人以為徒去城郭之垢氛兮嫁巖谷  
之鬱紆漫陔靡以豁廓兮藉芊綿而周遮岑崱嶽而譎  
鬼兮流滂溷以趨瀦儔翬廢而騰伏兮連庚乙而几几

絢時禁以繪繡兮憂鶴狁之笙竽聞無人乎崖竇兮鞫  
幽求而單居末寢食於皇區兮安平康而樂分綴聲籍  
於士舉兮足瀕申而猶遜懷君恩以無酬兮慚魯子之  
葵悶抽長沙之太息兮夢宣室之宵問敷前聞於沈臆  
兮嘏婉約而莫盡功必一於天人兮理不隔於顯隱通  
千期於一契兮右皇靈於無泯奭明王之天造兮蒞日  
中之豐運塞王猷以登咸兮丕重堯而襲舜學無耻於  
不穀兮尚席珍而玉韞若木不示乎世標兮神鳳無諧

於塵韻天錦莫覓其機杼兮媵三籟而微引先素王之  
昭誨兮蓋二方以庸世謂初道而繼齊兮有政刑而德  
禮上焉耻且格兮亞且免而無耻明良誕務其至兮烝  
率次以仳仳并殄殄以諄捐兮禎人注而時否政刑洵  
異夫今古兮緒言無庸以究齒德如毛而鮮舉兮禮司  
存其議擬俶鴻濛之已渙兮佑作聖以君鄙大人後天  
而奉時兮惇五典以為紀搯三百以為經兮誕三千而  
曲致摯元功於贊化兮全備體於唾涕措萬品之手足

兮秩其紛而壹貳衆高沈而疆燹兮參

音森

岬砥而柴虎

實一決以橫趨兮倏滔天而洸潰非因情以植則兮溘  
焉一而焉濟唏失德而信薄兮忍謝慨於周史荒哉龐  
訐過乎標枝之不還兮將非禮而奚以禮陰作與生俱  
兮樂陽來而儷啓聲容達而生神兮體音漸而死鬼肆  
犧媧迨姚姒兮極陰陽之文理裁衣裳以吹匏竹兮熙  
殊造而均旨柯出稊以為華兮毛傳皮而成美奏至治  
於雲池兮盡物性於宮徵籟盛皇之厭世兮寓大柄於



遞位雜狡童與昏夫兮墮王彛於表委姑何別於芻靈  
兮冠裾具而亡裏維禮綱於五端兮吉無先乎郊類莽  
欺天而侮聖兮軾輩申以傳會唐既蕪以竝配兮宋逾  
淫於赦賚設有妄於祠衣兮位有汨於祧禔以上言前  
代郊廟之  
家庸行而不知兮曾無違之能幾當元綱之不振兮

嗟景命之潛移螳臂奮於安豐兮

謂韓山童徐  
壽輝等之亂

播喪亂

於九圍非穹皇之命聖兮疇撥亂以勇智祖一匡以再  
造兮駕百王而絕儷篤父子以孝慈兮協周文之敬止

董百官以為朝兮截冠烏於首趾肅大別於掖壺兮斬  
收承之顛穢罔前星之繼明兮郁青坊於繼體羅九服  
以樹屏兮藩不億之其麗釐羣神之淫號兮叙百辟之  
規第推文質以四達兮布方策而漸被蓋郊廟之大儀  
兮時乃定於睿志馮三重而建制兮曰非君其不議儻  
時命以下詢兮嚴丘澤而敬事象雷豫以張樂兮薦祖  
考而配帝侂權輿以成德兮善武周之斯篚遙昌期而  
惰悞兮抑將順之能怠較民用於茲辰兮纔一合而百

戾胥濫越以敗矩兮淪逐慾而鄰戲諛輕重之不權兮  
誣僭陋以交昧委筋力於無情兮擿貨財於空棄儼衣  
冠以臨莊兮况大君之斯侍端章甫如會同兮可非喪  
而去佩詎公庭之為燕兮褻相衣而蒞視噫人服之不  
衷兮懷王風之芟毳當紅紫之盈觀兮惡衣妖之怪忌  
殺室舍以什廄兮等衆歎於一敝余既未聘乎上國兮  
望王懸而不耳過閭陌而或聆兮閑緇黃而倡伎亂一  
雅以萬鄭兮梟四方而錯厠日作息以震驚兮駭律呂

之焉寄盍六合以恒瘖兮疇九陔而悉蹟八門張而何  
風兮四時行而何氣雅烏噪於晝日兮鸞鷲翥而不睨  
願穹輿之定位兮礮風雷之鼓吹庶草木以有條兮噓  
蝨蟲之吟唳僑仲佐伯以尊王兮使其民而有義臣何  
望於今堯兮不觀興於茲禩王乘龍以中立兮治六有  
於鑪鞮根人綱而植初兮落有家以倣載簡姬姜之世  
貴兮愛任姒之薇嗣速闕睢之窈窕兮論鍾鼓而樂只  
貽銑鍤以前邵兮暢迭御於眇眇親郊禘以降乙兮儀

姜嫄而笈子擇周宗之妊傅兮拜后夔而教肆宥緝熙

於光明兮斲刁牙之侵嬖扞千邪而弗接兮賦萬幾而

歷試

太祖故事

隆親親於九族兮躬章條而登殺鏡前塵而

邁拔兮羞田恒之恹黷敷寶產以隸國兮歲坐觀其銜

艾保堯睦於不竦兮供虞接於無匱弭支蕃而土限兮

司存寧能以無槩維天王廟世以七兮實殷周之弘制

茫皇古之靡究兮二代亦復宗異

上古未審夏五宗商六宗然七世之文本

商書如姬周之二室兮固不祧而非次

文武二世室不祧其後王時七世固

在二室之外  
別太祖以特立兮  
三昭穆以對蒞乃一祖  
二室非七數

而二宗兮與四親而共備  
迨後王之復宗兮猶文武之  
不替廼七世以為恒兮確古今之通誼於皇明之握符  
兮羨天涯而地際睽既廟於有七兮那千萬而莫計皇  
高文之巍巍兮擊百世之永繼丕承烈於歷葉兮列諸  
宗而裸餽撫大典以徐謨兮意冲襟之不易纘昭穆以  
無紊兮乃傳世之常系或頡頏而高卑兮儀馮從以位  
置非今晨之攸聞兮法周知以為貴曩聖祖之丕訓兮

定儒臣之請禘

御史達魯與祭請立禘祭上命儒  
臣議議者以始祖所出未明而寢 賾趙

氏之禘祖兮亦時禁於

闕 藝侯王儀之不襲兮曷由疑

而永廢當肇統而慎旃兮固宜存而不遂

此謂始  
祖所出 累重

光以欽承兮將神靈之有俟盍懋建於崇典兮偁闕義

而時起

高帝時固宜存疑未立今七廟已備宜立禘祫  
以義起高帝正東向之位又今位與古昭穆亦

異地時正而道合兮從心究於外內整孝順而謹潔兮

悃皇彝之極至洎儀章與物數兮比聲詩而容綴載采

采於羣神兮莫不審於享祀開明堂以嚴父兮汗大號

以施治隆法官之九成兮翼前朝而後市晝三接於康

侯兮旦五徹於弼士

請舉祖宗日三朝故事

更叔孫之蕤貌兮整

鉤陳之法衛幄明王之采章兮東函蹕於羣代被黃虞

之法服兮禕日火於繡會貞輿旂而籩簋兮盡生用之

百器蒐古今以分宜兮區雅俗之殊裁革淫巧之唳靡

兮絕末俗之陋悖后模臣以逮民兮宮刑廷而御海王

有三以寡過兮杲風草之相逮常經總乎嘉吉兮與賓

軍而喪祭周上下以用施兮惟日見之為帛爛揖讓於



交際兮或玄黃而牢醴纏目縷以條支兮陳更僕其焉

既雖殊王之更轍兮儒亦紛其輶轄挈往辟之故秩兮

窈三典之略在

儀周戴氏三禮

辭有單而已蔽兮道有一而知

二迪在者以推施兮僅含氣而亡愧徽列君之有作兮

荷羣正之勤惠諦繩矩於銖權兮研節度於旒繫覓迷

途於擿埴兮興證辨於張蝟署根枝以交參兮部優劣

而互採鑠開元暨君卿兮亦司馬而元晦潁今昔而時

措兮斯數家之為懿按三經以疏繪兮又莫茂於先輩

前後議禮作述者浩不可數互有得失得之多宜於今者大帥開元禮杜氏通典及司馬光高闕朱熹數氏其為三禮注疏若圖譜如馬融三鄭韋昭王肅虞翻張融賈公彥孔穎達聶崇義陸佃等皆經師啟述之功尤大先輩謂此煥堯文於神祖兮大集成而班賜茁楨抵於恒性

兮順條柯於日履申邦教之森矚兮補未充之倭細鋪遐邇以折裁兮要覲時以為揆刻昏狂之僭濫兮俯眇忽之不暨匡以居正之名兮章以昭明之軌來九苞以均儀兮諺相鼠之遄死遵王度於截防兮允蒲盧之可企觀天文以察時兮賁順叙而貞明昊穹亭而西股兮

儀娥錯以東行訂俱右之臆談兮淵鑒破乎迂冥

太祖  
詔改

朱熹日月俱  
左行之說

檢班陳之分土兮何壤局而霄弘

班固陳  
卓星土

之說天大地  
小不為允審

嘗有貳於分星兮亦未究其諦精夏曷不

中近天心兮三隅偏闕而空宏經舍輟以環轂兮二十  
有八而咸趨中謂邊方遠而內附兮分厠占於規零豈  
理果能御器兮器乃因理而不通測遲留與伏逆兮校  
客流與無名綜天官於靈憲兮罔休咎之分徵珠璧信  
其有期兮同上下而清平氣多符而罕戾兮翼徹脩之

有行

天文祥異應不應者以氣理事人四者參錯不齊非可以類必膠師執用類索不視三端不應正宜

爾乘除消息又本各不一如日月五緯合聚以算本有常期期屆是氣之元亨世當大治斯自然之符或世不應氣此他戾也故王者當恒做心脩其行以應氣耳矧氣否以變沴兮漠不省其

遑寧瞪歷代之愆臣兮選治歷以齊政邈都闕而下之

兮孔難剗於一定監徃故而聿造兮大統於斯而為令

彙羣造以折衷兮改月行於守敬免久紐之必譌兮徵

良師以時訂曩授時之可採兮祀四十而已病

元用授時法上

尋千載不繆而下以推來繞四十年已差一度嚴緹室以候氣兮莊脩表以測

景於製律以治物兮鍾一正而萬應既禮達而政脩兮  
馴刑清而世康愷人蕃而物條兮曼至和以充盈王中  
正以居心兮氣驪通於蒼黃玉燭炘熹乎泰宇兮員嘉  
來而八風平禔仁浹而功振兮烏沒世而不忘騰風詩  
以交宣兮鏗作樂以薦享本吹筩以造律兮擢五要以  
為網劉歆奏備數和聲審度嘉量權衡五者  
五者為樂之要衆言不齊不復能易此緒審黍以  
定管兮正九寸之黃鍾各三分以損益兮於相生以旋  
宮均七始以為調兮八十四而成章間者濶焉夔曠之

無作兮術布策而炳明

三禮國語呂覽漢隋史

渺杜荀之神解兮

代已希而非亡

京房杜夔荀勗阮咸萬寶常張文收輩

謹述者之悟諳兮

議驪烟以詰攘

帝信都芳陳仲孺鄭譯蘇祇婆祖孝孫

王朴和峴竇儀阮逸胡瑗劉几房庶范鎮司馬公沈括蔡元定等尤難偏舉如何晏牛弘輩無可言至魏漢津

蔡京等益繆爾遴執隨而成渝兮非數詞之已彰肇和聲以製

器兮倚度曲而綴行摘竊眇於純和兮拔幽密於腐常

衍歆神而賓德兮戡哇鄭之猥龐維齊楚之互異兮聲

各囿乎其方或輕躁與急疾兮且將裁而未遑

躁今人輕輕則

多犯疾急也急令  
人憍憍則多畔  
唵斯音之么末兮爾猶昧其條章北今

曲出金元固非雅製十七宮調今但十一  
而律又過高全失中和病本由絲音肉音  
鞞杭都其何

響兮鬼嘯啼於晝梁

謂今所謂戲文南曲本出南宋溫州全無絲髮可成音律畧不足接

耳鏗吾聲之有作兮融隤殺而鏗鐸頌皇烈於神明兮

適今時之豫昌

假令今製樂大畧律宜大下於今俗部而微高於古律緣古者氣大和今氣大

戾更化之若從大戾驟返大和亦恐未遽得或漸次徐變俟少久人與天地氣應乃更歸純古可爾延鴻

碩以倡構兮逝効工於更張即二代金之俗譜兮鑄昌

詞以雄莊給比閭之小奏兮鞞備部於下堂猗帝德之

夏殷兮般穆穆而銍銍誕光天之下兮至海隅之蒼生  
吊幽明以效答兮邵六幕而同風遐休嘉之弗呈兮抑  
玄文之或爽五耀潤於乾垣兮五財理於坤軫河岳位  
而澂靜兮四類效其靈命萬祗嚴以衛釐兮魑彪伏而  
不肯民於變以時雍兮同虞方而風動蓍王區之棫櫟  
兮天命生於熙朝皇契道以盡受兮非行違之異標罷  
必蘊於徵庸兮志須亢於冲遼愚幸賦此玄玄兮愕夫  
人之它操潛茲未之或悶兮令達又胡以宣驕已焉哉




俗以勢而成世兮勢以時而自然  
溷時勢以太順兮存  
茲道以為棟森三端而翕張兮  
亘宇宙以推遷仰惠嚙  
生於黔雷兮肯棄受於崇園飛  
元靈於泰虛兮收萬實  
於甫田控大一以貫之兮艘有  
無而齊詮撫羣有以日  
用兮秉神根之淵淵羨諸子之  
敏脩兮品交通而互全  
兆流歸而皆海兮億管瞰而均  
天微無拂於風鳥兮辟  
或攝於筵筭躡太乙於九宮兮  
丙離章於太玄機條條  
於木獸兮數斤斤於銅丸灼莘  
降之非異兮易菽兵之

爰爰上四事謂諸葛公木牛馬張平子地動儀神降莘郭景純事舉四以例餘抱鴻通以欵

塞兮疾細滯而浮漫悉蟲沙而願遂兮當豺獫而不羶  
惟無欺與至慈兮所不負於高旻坦詔鬼而交神兮直  
衣焜而踐川諶凡夫之妄顛兮北二子以睽分謂殊儒  
而端異兮繆世教而為三昔柱下用表而存中兮師友  
於我文宣竺尊儲性道之本兮其何事於器譟千門萬  
室橫六內兮朝蜚波而夕煙印既尚此皇符兮炬百幽  
而一焱戚城隍之湫仄兮赦羣蟲之所廬解故蹤於黔

垢兮翺洪翼於蒼墟揚脩雲以為翰兮結浩氣以為輿  
並三辰以循紀兮極八遐而同區峻晞髮於若搏兮夕  
留軒乎融都蓐收前以道轅兮誥玄冥使迎余名飛庶  
以興飈兮翬屏翳而滌塗氛禊伏而淑朗兮恣余襟之  
所如翫羣生之起滅兮觀兩儀之渙儲朋山河以結解  
兮賓曜宿而盈虛嚙紫皇之默詔兮偕金女而同趨統  
父母於元氣兮或天神而一衢問日月其何紀兮啗死  
生而焉殊真一性以長覺兮去六凡而不居大哉余游

奚適而奚來兮醫焉往而不歸與



懷星堂集卷一

欽定四庫全書

集部

懷星堂集卷三

詳校官監察御史臣曹坦

中書臣劉源溥覆勘

總校官庶吉士臣何思鈞

校對官中書臣葉蘭

謄錄舉人臣張護

欽定四庫全書

懷星堂集卷二

明 祝允明 撰

騷賦

訪隱

君不來兮何居蹇幽求兮山隅空林兮出復入慨即鹿  
兮無虞白雲兮朝飛紛紛木葉兮皆下望夕以歸兮旦  
復吾駕君何居兮我行于野

思兒子歌

戊辰歲績  
在南京

思兒子兮若孺時今而成兮吾誠熙吾誠熙兮有別離  
有別離兮何遽見之人各有道兮道乘時道乘時兮胡  
卹其私路曼曼兮望吾兒吾兒兮慰吾思

答往賦

承五秀之緒委兮結昭質於堪輿遵先靈之下愛兮童  
多識於明謨性空同而善受兮夙擇術而作圖蹇皇命  
之涼塞兮粹罹弱極之萃誅緊忍性之應厲兮出沫谷  
而躋遐衢皇不誘余以嘉道兮俾荒泆而縱如高余譚

之業業兮放趣指於靈虛曰玄化之齋齋兮探三古之  
根株揭生人之元一兮徵泰始於百殊謂芳蘭之已抽  
兮橫四海之荒塗謂鷄鶩與鵬鷁一兮吾孰為此梟鷂  
堅吾視之耿耿以獨諒兮任吾趾之所趨迺邵東西行  
兮動格格其褰而濡謂達視之廣寔兮吾孰脩此維隅  
推真精以薄物兮物抗其廉鍔而弗吾受衆支離其形  
身兮敗踵傷氣而弗已吾誠不能匿志役氣以毀體兮  
惕白日以習奔走慕井氏之崇簡兮曾不解拜跽之在



手衆朋興而征榮兮聞官人之能事信三生之欲義兮  
茲吾民之攸止蹇吾力之未克兮服漆雕之本旨守窮  
廬之故脩兮繫自淬以自噴諒通岐之莫容兮集有百  
之叢毀維經緯之華業兮宿鑽切於腎腸或蝸蟾之時  
吟兮吾胡計群蝨之吾妨圖脩娥之嬋媛兮婉燿燿其  
清揚怍組纂之何紅兮而以來媚女之聚戕彼續綸以  
周章兮競附麗為比周吾既託此孤標兮矢履坦而甘  
幽絕憧憧之往來兮抱姬公之玄猷乃反以速咎兮將

弗任其譽尤嗟夫人之莫易知兮余乃有能乎是也維  
蕭蘭之蕪畜兮曾無力於扶雍也亦疾亂之惊微兮又  
潛化為糞也夫何物之難遷兮而彼乃以吾臯也皇播  
氣以生民兮鮮渾元之通會民正命以虧偏兮肆陽紆  
而陰悴紆多可以雍含兮悴熹刻削而善制審余受之  
愆陽兮乃懷惻之散易撫歧路而裛回兮意淹留而容  
泄非南北之勿辨兮曾失料之無幾徇吾目之遼廓兮  
用吾心寵辱之細用往往以茲繇兮婁以交手而窳事

寓飲以葆淳兮流濡首之橫議賤貨以廣道兮病泉刀  
之重累朝馳市以覓布縷兮夕爭闕而索米役潔質於  
塵泥兮對牛醫而校屠僧識王生之米賈兮解平仲之  
踊對歸兮食諸牛馬之走兮獨高眠而養息童猶吁腹  
之弗充兮婢憎糲而不食信烝烝之長勤兮余胡懟於  
斯職紛衆非之吾出兮吾誠意阨而顏韡匪心席其不  
可卷兮日悠悠而就惰頗余馬之玄黃兮捉余輶之輶  
軻吾既無藥乎細行兮而復崇此大過怛雅烏之孰報

兮恐豺獺之辜我傷鶴鴒之終鮮兮冀睢鳩之永和撫  
羣蟲之有道兮吾負死於類保皇寧生以遽獮兮俾愔  
愔而悔禍孔不咎既往兮嗟補過之有弘道心焦教以  
怵憐兮氣遭迴而蔚蟠仰蓋玄之旻旻兮禮飛光願少  
遄亂曰匪內訟難兮難其還兮皇母以金柅之復牽

罪賦

夫哀無文者禮之程也法在悃直或將鳴而強瘖之亦  
過矣瘖而呻者人弗尤之矣因目其章曰罪賦

閱生平之靡延兮，譖弁弱而百罹。羗生初以無為兮，爰  
即路而逢之降鉅割以瘕毒兮，親再代而咸失抱惇單  
而疇依兮，瞻穹昊以不極。彼百夫之完慶兮，余何尤以  
永感稽積。誓而莫回兮，中摧崩以顛頷。扈麻菅以脩號  
兮，固九死其奚賅。齊草木以覆載兮，惟霜霰之余慄。願  
犇驅以及踵兮，噴蹇子之霧昏。思言立以有樞兮，守隅  
庭而蔑聞。汨先操以干祿兮，從揚名之孝謀。又道命之  
將廢兮，重緝繯諸有司。載終傲以自華兮，親無逮亦焉。

為拊丁辰而僮徊兮恫於邑而增尤惜逝日之勿再兮  
癩忠信之弗脩揉異方之紛暵兮牽百志以殊歧亮迅  
徑之蹶顛兮慮交手以失斯衆續綸以干進兮競周容  
以務入錯登禾以蕭稂兮將安析其貞慝帝錫余以潔  
昭兮薄污溷而堅白詹先民之好德兮揭神師之皇則  
羅琛寶之不靳兮悵藏庾之周隔路曼眇以綿邈兮矢  
乾乾以終日繫燕居而多慕兮澹周章乎東園睠芳嫕  
以晨耀兮湛露斯以為恩條淒風以夕振兮拊繁榮以

曷存惟何物以特立兮印管管以憇寃聰去哲之脩名  
兮躬已往而不泯知時日以莫與兮惋隆污之同勤印  
孰惡斯勤兮無他好以怵也尊大中以前行兮完皇錫  
以周畢也亂曰氣為羸虧道不可移往者贖迷盍追于  
來帝棲余宮余弗敢隳彼美人兮淵騫攜余以與余同  
歸兮

傷賦

玄雲纂兮白日暄鳥潛棲兮木葉交墜塗無人兮聞然

異世闔闔伏息兮曾不得以出氣目眈眈兮涕泫泫傷  
哉厄兮厲熏心誰為聖人兮無悶傷哉傷哉兮誰侶此  
困

秋聽賦

詹旻天之次溲兮旋素皇之金駟蹇百生以入機兮懣  
慘慄而牢愁呖岬嘈以噫喻兮吹萬籟以戚號槁柯戍  
削兮廢葉墮投濫泉湛縮兮寒澌咽流沙礫礫兮城  
郭不周松檜苦篁兮蹇鷲以擘空巖唳鶴兮猿狖嘯金



石爭觸兮鏘戈矛顛商吐響兮悲音啁啾群喙奪息兮  
喋嗷以伏紛吾耳兮離騷憂皇命物以元亨兮秋貽實  
以各正也吾成實以吾親兮成斯捐而考終命也噴煥  
涼其序代兮往不返以長竟也魄陽淫游兮地天夢夢  
屑然以默兮絕氣以聲吾馬求兮投耳於玄清與苗寧  
白藏鳴以迎予兮四每值而逃驚霰霜塞聰兮蕭蕭五  
兵剗膚切肌兮五衷震崩欬溺嚴辭兮慨如慈音噍殺  
煩毒兮不知和平元間閔而夷射錯叅兮代惡有青陽

與朱明匪秋之聽兮秋入予聆  
蹇旬鏗兮聽希不得兮  
砉然雷霆重曰聞不耳兮秋不遷  
親之駕兮奪收後先  
酷商日宣畢吾年兮號哀寃

蕭齋求志賦

斐然自尚者亦靈區之助歟  
匪閔丘兮絕世猶先井兮  
攸附帶邇郭兮成構挹遙坳兮  
為趣雲岑列兮縣邈芳  
洲緯兮縈互囂聲止兮層垣幽  
風暢兮洞戶碧蘿交兮  
施宇紫莓團兮繡路虛泉鳴兮  
漱除淨壁晃兮搖樹宵

竹鏤兮黃月曉松沈兮蒼霧露旒蕃兮璇綴霞標建兮  
錦傳擷芳馨兮蓀篔玩趨奠兮磨兔肆珍圖兮高張噉  
嘉名兮特署爾乃登丘陟墳沈章漂句寶蔡子兮祕笈  
倚房君兮豐庫流璋琬兮華琢絢星河兮森聚苞周絃  
兮廣獵泝真源兮孤赴測潛機兮太冲懸皇鑑兮鴻素  
抗五太兮齊襟拊百氏兮獨步攬萬化兮棲臆操三才  
兮在馭於是謝將迎遺倡和任簡傲安晏惰九域蟻螻  
萬類淩唾或同心兮晨集羌佳人兮宵過蹇淹留兮夷

羊聊從吾兮妥愷攬蒙瀨兮齊塵侍周孔兮末座平伯  
禹兮後洛補皇媧兮餘破摩丹霄兮鷦運函玄珠兮龍  
卧乃歌曰浮青陽兮蕩素秋日月居諸兮與化同流今  
我不樂兮乃將焉求歌已爰命樂童陳浩倡奏元間鳴  
清商極變聲兮靡曼陶淫思兮太康余乃掩抑衆律孤  
引圓吭凌青旻以飛嘯兮揜衆音而不揚操皇雅以獨  
鼓兮寫神襟於混茫忽白日兮晝冥振衝颺兮襲堂川  
鱗躍兮出潛霄翼接兮不翔吟九淵兮神蛟舞千仞兮

文鳳騰江河兮擊春盪泰華兮低昂斯時也獨御正陽  
高聳物先呼吸罔象遨嬉泰立與神明兮乘居視蕭齋  
兮墨然

知秋賦

庚午六月丁未立秋其夕頓涼不俟一葉感淮南之論  
稍為賦之

邀陰陽之愆伏適做子於茲歲伊蓐后之堅方獨秉貞  
而不戾受帝命以握矩布金行於區內日耿耿以謝炎

風蕭蕭而助氣侍隸逸而卻肩閨媛戒於紉綴聊閉闔  
以偃息觀燒炬之可憇喜青蠅之斃遠悅玄蟬之餘嗜  
雖序令其靡爽迺興悲而起嘖信秋歛兮致刑將違仁  
兮肅義劉百生以一腰易榮華而彫瘁匪皇穹兮好殘  
緊舒慘其相倚始為露以作霜睇堅冰之必至感茲秋  
之既知豈曰童心之傷逝

修夕詞

嚴冬窮兮夕氣脩月環輪兮遲不得周雞俟曙兮謂跋

不疾情曼曼兮其不可極  
握忠誠兮函元和氣意多兮  
彌山河夕兮夕兮如何如何

蓮花洲詞

漾脩陂兮遵中流若有人兮在洲  
締昭質兮又好脩美窈窕兮含靈  
思丹肌兮皓態芬習習兮襲蒨風  
微褰兮碧裾水璫鳴兮玄珮涵泥  
兮滌瑕皎灼灼兮容之華乘清風  
兮願舉飾帝冠兮莪莪帝命予兮  
沃心呈予腹兮琤琳彼調飢兮子  
哺子不愧兮荒之溲媧妹兮鼓歌  
宓

姬兮乘波伯倡兮子和君不樂兮維何

江洲書屋辭

拊長江兮安流高吾樓兮南洲  
檇蘭堂兮葯房締梓軒兮桂樓  
石梁兮衡渠竹牖兮交疏涵清暉兮夕朝汎靈華兮圖書芳何為兮杜蘅躍何為兮文魚淵淵兮春瀾濺濺兮秋瀨寫聖襟於逝者寔茲辰兮余慨蛟龍起兮水增波挾浩漾兮俾滂沱濡焦槁兮蘇八遐君不行兮如台何



龍歸辭

潘紫淵兮旋鯢悖洞房兮溧亡泥余蜿蜒兮顧而下俛  
或躍兮以歸乘蒼雲兮驟綠霧冰天地兮擁曦輅扣天  
門兮矯首逝擘蟻胎兮挾珍以嬉翔九縣兮多靈娛穴  
泓泓兮閔沈虛雷為膏兮露為醴邦之富兮稷蕪蕪竣  
肥兮蛟腥招鱗侶兮哺螭朋媪縞袂兮倚青巘燔金符  
兮望不可見扇神飈兮忽來滌氛妖兮景光開紫葢兮  
黃蘿棲絲窈兮盡集以歌睇故宮兮幽幽君昔樂兮今

我何憂巫屢舞兮鳴騶君歸來兮無夷猶

一目羅賦

淮南子曰羅以多目故一目得禽今為一目羅則安得  
士余吊其語感之又感遂為賦

虞則有羅鴛鴦之離彼萬其目一則不遺孰為逸邇方  
空是闕唐虞目百厥逸乃九夏商以倍周用千數孰為  
虞程張一覓萬孰有萬鳳雅烏莫莫鳳巨弗闕雅碎群  
入姑雅之獲寧鳳其失曷不于鑿伯益之術羅兮曷一

虞兮曷益鳳哉鳳哉曷入曷逸

懷遇賦

允明知命後始調興寧長憂虞不堪大方伯吳公拔異  
幽側若重有可與者君子之知士無責報知於君子必  
克報乃鳴則感慨蹈厲且有時窮遇輒鳴以永懷有儼  
勗之力焉故命以懷遇

觀性氣之生屬兮曾亡類而不遵援丹砂以脩年兮去  
疾拔彼小草桓諏道於老馬兮越鼂式其武闕玄金收

於陰石兮又曷用么膺而爰已嗟今之人兮謂知曰昧  
絜蛟龍使守閭兮繡悅目而莫為服被嗟蒙之無肖兮  
肆汗漫以推鄙皇不余右兮俾嘉道之莫予有耄顛頓  
趨以長物兮承事君子嗟茲之疚惡兮固易忽以昧大  
人無我以博愛兮胡寵特乃吾以駟駮顧伯樂嘶于駕  
兮金踊夫良冶無熒而穀兮田莫有滯穗懷哉至遇兮  
無稗以自棄

望韓

戊寅之歲四月十九日在潮州獨往謁文公  
廟步浮梁百步方半當用舟渡風雨橫厲江  
水洶怒素舟不可濟退俟橋尾風色轉厲乃  
望拜而返寄言楚聲

驅塵轍以遵海兮隄三宿而宮未趨躡脩梁以東驚兮  
羌中路而阻予淒零雨之蒙霧兮颺長號以頽怒波我  
我其如擊兮予不知其戾之故屏息鞠脊以伏處兮遲  
公怒之霽也夕僮回以抑厭兮曾弗少假以濟也時既

暮而氣暝兮予猶懼鯉之至也乃瞻巖以存清廟兮敬  
再拜以退止昔夫子悲孔之遑遑兮亦既八千路以浮  
此道拙塗棘以趾蹇兮又何異夫小子道故至難求兮  
予胡以萬里而為易已焉哉童既白而日師兮依門墻  
而莫引君臣師友合弗易兮子寧不與其潔以進慨旋  
轅於環堵兮吾見夫於無隱

蘇臺春望賦

蒼龍集于重光協洽郡國賓薦士會考言于春曹吳興

施子先三載已奏名春曹而未拔策于天子庭茲往道

蘇臺樂多賢友居久之而行蘇之同人餞以言曰春望

之什允明年當首迺為賦以叙屬錢子

凡別則思思則望望亦多歧如

茲別施子先分攜子從望之矣至子徒先集闕下望施子來施子亦應望迨至而遣子徒當又望子徒獲奏春曹子徒又望施子首選于廷與自望幸而從施子後也望之旨如是

登高能賦臨別贈言况青陽兮獻歲將敷華於紫闈六

合齊風八表一雲吳州東西烝然同人若夫英莛絢柯

衝牙襲紳霜桐洗翠露桂凝熏服膺乎丘回尚友乎雍

騫分馨乎遷固擷芳乎機雲濯濯施子超哉軼倫僕等  
未游乃際光塵松顏靜兮靡謝芝韻郁乎恒新忽蘭襟  
兮中判慨葭姿兮失倚升崇丘兮寅饑睇喬林兮榮始  
土花繁兮封級柔茸綠兮循址漾脩波兮微殺揚芳颺  
兮蕤蕤警霸圖兮從王念縣金兮莫擬與子期兮高明  
聊一盡兮吳醴乃歌曰契莫契兮同心人思莫思兮遽  
離群望莫望兮共復集樂莫樂兮帝京春歌已下臺賡  
嘯逸籍南風甚競邁往觀國



飯苓賦

僕少自三河歸蘇臺過首陽道且來陟降崇巖經行喬  
林憇息旅痛因遂幽尋忽有見者埴壤墳起光氣離奇  
封以英英之雲覆以九九之枝恍兮忽兮不知其中之  
物為誰也有仙人雲中來斲地而去迫而問焉仙人告  
曰其為物也出自松栳本乎膏液天和融壘地氣騰蔚  
凝脂之所滲漉流肪之所滴瀝始焉聚沫終以成質積  
雪結皓靈砂貫赤柔匪若酥堅不及石非附木而稱神

未瑩膚而名珀此茯苓也言已而逝僕恒識之昨日友人彭城子來謁請賦飯苓僕曰子之飯奚如也曰始訃蠲病后祈脩齡按玄經於炎皇稽隱訣於初平迺察靈餌采植英或食熟或啗生和雲盛筐帶月入鐺剝膚乾蒸集露共烹浮浮兮蒼霧之涌興襪襪乎皓霰之溥零或異製而單殮或它劑以佐并於是垢腐刮焦府榮股肱彊中氣盈葆完元淳開通神明將翔九寥而彫三精焉徵苓之勲亦鉉哉僕曰然此亦子之讓辭也未究玄

績吾聞李生招譏於魏人陶子受餉於蕭辟雖梁國之  
籠有嘉必牛溪之負斯極也彭城子腸杼文繡膺鏡日  
月幽馨蘭芷溫理環玦淵騫授德商偃詒業故其嚙齟  
以道而服食以時匪損其疾乃觀厥頤寧舍龜乎周薇  
而朶頤於漢芝乎藥國者既奪其芳談易者亦受其幾  
推繁華於寂寥兮保明愆於希夷敞志意而彊氣母兮  
康聾瞽於匕之遺乘元精而上征兮諧洪化之無私挽  
喬耽而游五泰兮與羲炎而一期即仙人之所告也吾

與爾縻之

棲清賦

苔施公悅民隱君子也身慮並清為居以棲署曰棲清  
乃為賦云

何人區之寡潔乃靈駕之艱寄睇城市兮湫煩將褰裾  
而高逝無更從於彭咸熹先廬之不弊乃惟歸安之邑  
眷茲大姥之墩梓桑樂鄉扮揄故門坦素履離喧羣抱  
玄璞揚幽芬高尚其志驩然願言集百勝以為居宮一

畝而安儒廓以芳園疏為流渠山石犖确草木扶踈韻  
爭高兮梅竹陰合秀兮蕉梧級甃為梁累磧為島竒撫  
海外異拔霄表鶴鳴于翠魚在在藻龜扶莖以巢蓮鹿  
交角而眠草若夫靚堂崇廉重軒連楹臨以層臺敞以  
廣庭燠以曲館涼以丘亭左琴右書前壺後觥鐘磬在  
懸戶牖有銘於是息廣胖凝虛靈褫垢滓游神明偃仰  
至玄消搖泰冥燭造化之樞灼萬物之情玩四聖之幽  
文研六編之遺經尋曼倩十洲之詮覽伯禹山海之形

遞鐘一鼓商歌數賡煙霞為之飛動日月助其光晶既  
對聖賢亦多賓客玉塵時揮危言日出式燕且歌或射  
與奕客曰美哉掌人之棲乎濁穢遠善哉掌人之清乎  
中外一請薦署曰棲清庶斯名之賓實客有太原祝生  
嘉其旨因稱曰印非正則兮皆濁而卜居印非須無兮  
棄馬而違邦泳黃生之平陂濯孺子之滄浪晞庶立之  
伯夷符得一之昊蒼稱既題之屋墻以揚先生之耿光  
也

余侍御游靈巖賦

侍御桐城余君正德九年銜勅按山東允明自京師道  
天津遇之君道昨六月有二游之勝先靈巖院次泰岱  
咸有詩記乃出卷燈下疾讀信語可以張大麗竒君謂  
余能賦之懼非目得兼撲鄙當不稱謝而君不可因稍  
獵文內次第排比一二為賦靈巖

秉笏斧以東按遵鯨浸而南騫幸豺迹兮云屏庶鹿游  
兮能赴釋訶從兮岳震縱滕策兮巖步踰琵琶之名巖

憇遲賢之遺寓

遲賢亭

訪盧生之靈洞

盧景洞

睇靳公之殘

句

亭有碑宋靳八公受呂公榮術得仙題五言一章刻其上語意不可曉

於時蒸澍驟訖

微颺薄扇折旋曲阿拾級遙顛芳飄菲襲岫接峯連走

白足以導子投金宮而舍旃拊伏龜之隕石味甘露之

淵泉稱以白鶴卓錫

亦二泉名

韻以紫蚓鳴絃鷄鳴歌舞師

象連蜷

鷄鳴象師三山名

猱援子以升木鵠矯羽而戾天木巢

窠以噴蔓草葱蒙而芊綿異種之果比實莫名之卉交

妍若夫檀楠被金瓠甃流翠華樂借宮堯率移地則有



五花澄明千佛般若靈藏飛輪功德不瓦

五花澄明千佛般若靈藏

皆殿名絕壁茅庵  
榜曰證明功德

浮圖數成以錐立崇榭九層而表跨

三衣鐵食

古鐵製菜  
重餘萬勛

百碣鮮稼

西魏以來  
碑甚多

歆曠翫之不

厭嘖流景兮渠夜九十未家其曷能舍持椽炬以破冥

覓輸般之幽駕

秉燭入魯班  
洞二鼓而出

於是靈域畢呈立襟獨寫

吐納萬象沐浴皇治答流雲而長嘯等群有於一咤且

夫神可以境怡俗乃用理化神區必名場平政則多暇

匪王度之晏熙豈探尋之斯假懷悽商兮潛襲驅子車

而適下

石林賦

震澤濺包山萃遙岳紘潛川脈甄瓊沃瑤葩玼果璵區  
靈域玄真府仙室誰得而易宅也乃劉毛公洎焦君子  
浮游汎覽中谷有士衡畢叟連隩澤徒倚其色有皜其  
氣不滓弗仙弗凡爰踞爰止二真頰而疑擬而謀叶曰  
异哉曷乎其孰恃而僭謚者歟山枝儒臞經行焉真即  
以稽山枝儒臞曰天子之鍾地予之逢淵詎馳驥柯莫

棲鴻此其為物舍誤而不宮者矣是故胃條金天字云  
敬夫丘壑結胸榦植立膚合萬砢而猶林卧隻玉而成  
居彼此諧姿質名協符爾乃苗引矸磷抵礎礪硤損樹  
礫礪葉布礪礪璇蘭琳蓀琛柅琬擗躬桓輯瑞以交拱  
祭戟列行而森衛聯广作舍出雲為盖繡丹薜以春榮  
層蒼莓而夏陰黃疑樵以秋衰皓瑩雪而冬深甘露之  
艸乃其獸零陵之鷲乃其禽若夫一拳莫減五車匪益  
花饒紫黛叢絕榛棘鰲簪肖蓬萊之狀鷲羊剝長沙之

跡風聲奪岫嶺之響雨彩發南雄之墨謝彫楮之宋匠  
曠網瑚之海客長不藉於秦鞭化無勞於皇叱蓋遵實  
而為聲又奚愧於煩噴二真曰俞懼嘻未悉乃稱曰硜  
硜戒小珞珞厲德孔絕磨磷莊尚堅白它攻存乎周雅  
介貞著於姬易仙用儒梯物以道極此何人歟齊山作  
仰喻景行以偕行體良為身思其位而不出者也

南園賦

不逢年以干進依靈丘以肥遯違王侯而尚事聊消搖

兮無悶則有澗阿之間廬穴之前闢彼善壤繚之長垣  
令流水以成池象洞天而為山交蹊迂迤以午達寬石  
陂陁而底安嘉樹井立名蔭擗植脩筠軒挺豐藿綿密  
四叙有接艷之葩比歲有連新之實栝栢杉松柝欄梧  
桐文梓美漆高椅茂榕榆分光於星田桂得種於月宮  
桃李兮成溝牡丹兮專叢海棠兮汎殷階藥兮翻紅灼  
清漣之香蕖爛曲塘之金蓉帶以鬚荇鋪以水藻莫不  
陸陳亾厭水立靡窮千蕤萬萌不可得而極諸其形容

也至於桃李棗柿栗蔗藕菱芰榛榘棖橘含桃  
枇杷龍眼崖蜜皂茨鴨脚雁頭湖目菰筍䟽脆薯蕷豐  
實爾其百喙歌春孤蟬吟秋貴語雕籠之吉了巧轉碧  
陰之粟留或雛谷雉或走兔或屏隱孔翠或沙立鷗  
鷺或皐鶴和鳴或鹿鹿行顧大抵人場既偏團事聿周  
吳多名苑而茲其特優歟夫辟疆專聲習氏遠稱金谷  
積麗離垢揭清董廢闕以儒振陶日涉而趣成展也獨  
樂允矣莫京掌人於此將攀轍而抗衡者邪况方之自

南火離攸奠類陽而明象文以顯雖因勢以就築亦可  
以物而取諸遠矣於是度圖袂著筆硯張琴筑展壺箭  
流吟嘯肆觴燕祛凡襟廓玄見如易賁于而有喜如詩  
樂彼而不倦若是乎其陽明哉士安土為君子儒其文  
顯邪吾為爾作逸民傳

一江賦

伊斯江之為物也渾灑決滌澆潰混濘瀆滟滪滂瀉以滌瀆  
滅澆滟以洑滌瀆汎瀟渤溟漫而澎滂浩浩湯湯汪汪

洋洋濛兮青蒼泮兮迷茫廓兮而康良吐日吞月漸玄  
漬黃蓋自堪輿之開闢化機之翕張儵帝滌源鑿混沌  
以利涉昊天設險畀聖明而為防是以蕩五嶺漂三湘  
帶吳楚襟荆揚拍蓮掌滋扶桑會地脉兮連天潢決兩  
儀兮洽八荒蕪三才而共濟東一統之華邦信矣天塹  
雄哉谷王所謂祖百川而父五湖弟四海而兄三江者  
歟觀其千古之有常五彩之時彰金焦相銜乎舳艫煙  
霞互織乎帆檣或扇以颶颶則雷霆忽助其震盪或媚



以晴旭則金碧緩搖其景光或微生澌而冰花雪蘂激  
庶品之神爽或淨如練而天經地緯開萬世之文章容  
成袖手以廢厯豎亥趺足於窮疆璿璣玉衡雖虞廷之  
儀欲測和鈞闕石計夏府之器難量涵泳四靈神出而  
鬼狀沉浸萬象龜游而龍驤玄妃往來採明珠而拾翠  
羽法駕上下乘清風而御陰陽至矣乎微妙理於蠶絲  
諒託始於濫觴若夫蛟窟散處龍宮深構瑤房九重貝  
闕雙轅水精之柱駢立火齊之瓦鱗覆懸珠作燭梁飛

萬萬之月圍絡寶為簾簷走千千之星宿其下則有瑪  
瑙碑礫琉璃珊瑚決銀汞以成池築瓊璠而為區五金  
夜發競光華以呈乾后萬珍日產如沙礫之走坤輿其  
上則有彌天作帷極地為載遙岑輕沫卿雲微帶月娥  
臨鏡以脩眉天女沐髮而勻黛齊州回繞班班九點之  
紫煙仙府平臨朶朶三霄之翠蓋其中則有鯁鯉鱔鯨  
玉柱銀珰河伯導旗海客寄綃風從吹浪之江豚雷應  
鏗鐘之蒲牢羲和鎔金沸洪鑪之袞袞馮夷剪雪翻銀

海以滔滔其傍則有蘆洲戰煙牙檣插天蓑笠鳥道燈  
火漁船風凝軟沙而鷺立雨浥厚莎而鷗眠福地洞天  
巢鷺鶴以遐峙萍花荇葉映鷓鷯而淪連至於龍堂曉  
雲僧艇暮月善才之石砥定毘盧之閣嶮嶮郭賦鳴萬  
夫之喙陸泉激千人之舌物遇之而拔凡品人鍾之而  
為世傑邦家倚之而治忽古今由之以興滅傳諸圖經  
登在國牒灑灑泔泔未遑暇以殫說也若稽使君於斯  
奚取我契其大才學志度是故語其才也如江之波東

底瀛壺西起岷峨瑤花兮杳杳爍雪山兮峩峩飛濤  
濺空兮瀆千堆之沫驚湍擊地兮旋無底之過撼紫皇  
之寶宮倒織女之銀河無遠不至跬步數州之域有重  
必載鴻毛萬斛之艇轟轟乎霹靂而迅驚電擾擾乎  
舞虬蜃而飛黿鼉通四夷之歸王象貝文犀湧梯航而  
霧滂入九壘之貢賦錦衣玉食紛恍席以雲摩濟天下  
兮往來又豈俟於盈科語其學也如江之濶書名淮東  
之院堂有富文之顏綉摹緜聯梓雕銅刊六籍貯莫百

家周完富誇牛腰之舳勤助熊膽之丸口誦手校左墨  
右丹滕萬口於千載據尺几而一觀若乃擬其志高惟  
江有潮突乎其豪流乎其遙萬流秋毫千濑斗筲莫不  
障而東之以會同而來朝坤北初分即稱其拔萃汝漢  
既決誰得而溷淆懷子胥之孤忠與伯若而為僚四瀆  
首推其廣大六合咸讓其并包方其度洪惟江有容元  
氣流通乾坤混融衡截海內平分域中際天淵於不二  
齊物我於大同引重致遠通其變於不息含垢藏疾淨

諸有於太冲高以下基當其無有有之用滿而不溢天下莫與汝爭功大抵陳事之方有通有會放之彌者收必密極其細者生乎大如其大而不約恐華談之已泰故觀江之說則疑其過夸審一之理乃識其非汰交助互益非人奚待嘗試問於江靈察川勳之攸在是故苻堅玩之而狼戾江總恃之而顛沛壯從擊楫之祖生竒賞燒舸之黃蓋三國鼎睨六朝遞代水無變於安危人每異其利害其故何也誠以天謨地烈積久無託絲絲

延延數千百年必至於我皇祖而始得其真宰也觀其  
發祥於始蒙六飛之首渡創業於成遂九重之斯屆煌  
煌漢闕日照而月臨蕩蕩堯衢乾覆而坤載然後華夷  
一統長通道於安流河漢九霄恒效靈於上界而有如  
使君者又復沐浴恩波漸濡天瀨握提巡之專節守信  
誓之若帶志業浹內聲名溢外尚亦防之有法而備之  
無懈俾外者無窮而內者不怠息揚波而清水怪盪天  
驕兮淨紫塞甲兵洗兮玄圭拜旌功進爵加祿賚家流

國澤並汪濊一江晏然世永賴斯名稱情乃無愧賦而  
颺之載采采

哀孝賦

允明與太學生無錫華雲從龍友雲母張夫人沒允明  
以遠不能往相其喪或能有以發章母夫人賢為少以  
紓雲之至痛亦友道可為而雲之志會雲示邵林二尚  
書先生所為誌銘及張都運與雲自述事狀夫人賢節  
不勝舉其間備其孝事尤弘偉因掇叙大概稍韻其詞



以歸雲蓋識其大者可模後來婦無徒慙雲爾始雲外  
大父福州太守時敏以子幼用夫人館雲父太學君時  
禎於室福州既宦游夫人告時禎請迎養舅姑乃白舅  
姑舅姑難之即時禎亦難之夫人曰我得之也解飾首  
之資築室於石羊竟致之往而覲饋隆於婦禮來而理  
職脩於家政於是舅姑夫子宜於適而父母安於遠又  
左右其孺弟弟已立既歸其政趣往事舅姑盡恒理舅  
姑後先沒相時禎送死倍常力及喪福州時已於張家

持服比在室曰身始本在室禮與其常也寧厚姑之沒  
哭不絕聲或絕粒蓋三日而病比襄事毀如初加勞焉  
遂彌留以卒嗚呼女婦性多閤滯又沒世無姆教之究  
明理道通達古事之功故自儒宦大家外凡女子嫁者  
輒忘其親時以歸寧飾儀文而已贅則視舅姑殆途人  
比安得有如華夫人之知識即知之梗焉弗能處也或  
曰知而克處者固有之或病於財不得以為悅曰病於  
財已耳吾安得厚誣世以絕無若夫財不足以病知與

處而不知與處也者抑多矣不賢華夫人得乎夫人之  
事豈獨二族儒宦教染以然固繇其性資凡其事蓋本  
之以仁裁之以知成之以勇是君子之三道者其殆庶  
幾乎近之者歟邵先生曰若人者從從皆義信矣夫然  
而總其實孝也故題以哀孝

皇播氣以降性兮無昭昧而必仁孰二道異夫成形兮  
可非孝而無親夫人既抱此淑稟兮又申之以高慧靈  
荃榮其中秀兮函瑜琬之溫厲鏡皇倫之紛蹟以相奪

兮曷不善修以蕪濟相先民之鴻訓兮女從人而無專  
建剛柔之弘義兮坤必求往而歸乾愾暮世之改度兮  
招靈脩使來贅既天命之不諒以吾遘兮吾敢惱天彝  
以人廢從移天於尊章兮胡有天而弗戴諏靈脩其往  
請兮來胥字而承饋尊曰惟我其難之兮將緯繡而專  
戾豈道有窮於茲人兮緊弗觀其通會攬旁塗於周行  
兮聿典禮之必行髮余首以撤飾兮資構宇而導迎尊  
誠動而感誠兮爰居處以胥寧止幹父蠶兮往帥婦經

親謚於遐兮尊逸於庭備連枝以丕植兮印也歸政肅  
褰裳以從尊兮脩日事之有定尊先後以懼恤兮以襄  
事無或不信以不誠逮顯父之繼恤兮服服與在室而  
同情亡於禮者之禮兮因心從宜以有興恤復終我聖  
善兮我恫痲益弗勝永號不粒性幾滅兮愍歎禮以忍  
生終靡支於恒瘁兮奄溘死以遐征何女婦之必孝兮  
何行孝必禮也禮有弗周於天常兮夫何善以義起也  
已焉哉彼賦之慝兮用爽天明或察而固兮行靡有方

相古淑媛兮交馳並翔哀夫怛焉兮德在躬逝焉得世  
姬兮皆華之儷匪女之程兮唯士之軌寧孝之至兮引  
申長類臣完厥忠兮幼迪其悌孤慈友信兮百行攸致  
一母之烈兮二族之焯用獨邦勸兮風暨四海赫裨皇  
極兮完命於帝錫爾不匱兮以引勿替

擬齊梁內人送別贈拭巾賦

初裁白紵白如霜舊遺團扇月含光紵拭不滅何郎汗  
扇搖空想婕妤好涼何如贈巾意勞君轉蕙腸若乃龍胡

交錯玉線綢繆輕挹珠散舒動蘭浮不忍挂匡床詎忍  
委玉箱留取炎熱將歸去茱萸慢底拂鴛鴦

顧司封傷寵賦

滿不以秦臺月聚不住楚觀雲雲彫月墮兮紅粉黃塵  
於是緬邈宵情芊綿晝臆憐生信誓之留怨觸箱奩之  
歷則有細釵孔翠繡領鴛鴦恣窺鸞照珮解風篁髮燕  
草之碧絲臉越蕖之紅房望惑弓鞬兮隻脫魂迷黼帳  
兮半張昔喻麗於群芳茲萃芳而何益悲瑤草之不聲

痛瓊華而無息苦莫苦兮斷知心悼莫悼兮難國色撫  
幽棲兮淚盈巾傷四海兮無佳人便為巫女終成夢便  
作姮娥有底親銀蠟九枝光綠沉百和香香香不歇  
光光不滅瑤瑟鼓殘兮湘水咽紫簫吹斷兮黃泉裂  
雖令魂返少君丹假使貌成虎兒筆爭如歌出李延年  
會道佳人難再得



懷星堂集卷二